

欽定四庫全書

普濟方卷三百八

諸蟲獸傷門

蜂螫 附論

明 周王 朱橚 撰



夫蜂有大小故其螫人毒有輕重輕者或疼痛移時或
經日而愈重者至悶絕徧身皆腫當亟用呪禁之術以
取速效仍以消毒等藥塗傅之 蜂類甚多而方家不

具顯其名唯地中大土蜂有毒一中人便即倒悶舉體
洪腫諸藥治之皆不卒止舊方都無其法雖然不殺人
有禁術傳唾亦頗微效又有瓠蘆蜂抑亦其次餘者猶
善爾

方

雄黃麝香散 治竹中青蜂螫人方

右以雄黃麝香乾薑等分搗篩以射罔和之著小竹
筒帶之行急使用傳瘡兼治衆蛇虺毒之神良

蜜脂煎 治蜂螫毒不出痛不定

白蜜

臘月猪脂

各兩
匙許

雄黃

細研
三錢

右先將蜜并脂煎沸傾在瓷盆中入雄黃攪轉通口
旋飲之

蜜蠟膏 治蜂螫方

猪脂

蜜 各五
合

蠟

右和煎如膏候冷以塗之一方和煎稍稍食之

楮皮塗方 治蜂螫

用楮皮生者取汁塗傅螫處

蜂房膏 治蜂螫疼痛

蜂房

剉 各半
兩

右為末用藍青汁調厚塗螫處一方無蒼耳

生珠散 治沙蜂叮

右以水磨生珠塗又磨雄黃塗

桑白皮塗方 治蜂螫

用桑根白皮生者搗取汁傅螫處

角灰散 治蜂螫

用牛角燒灰二兩為散苦酒調傅螫處又斷葫措之

青蒿塗方 治蜂螫

用青蒿生者一兩細切搗研厚塗螫處

治蜂螫毒方

出干
金方

用取瓦子磨其上唾二七遍置瓦子故處

治螫蜂

出干
金方

用燒蜂房為末猪膏和塗之先煮蜂房洗之又燒塗

又方 出干金方

用酥脂塗之立愈又治豆蜂螫人

又方 出干金方

用燒牛屎灰苦酒和塗之

又方 出干金方

用齒垢塗之又破蜘蛛塗之

又方 出干金方

用淳酢沃地取泥塗之

又方 出干金方

用嚼鹽塗之

又方 出干金方

用人尿新者洗之或以尿泥塗之一方用人尿洗

又方 出干金方

用反手捻地上土傅之

治蜂蠆毒 出經驗良方

用野芋葉擦之如不便急以手就頭爬垢膩傅之或

用鹽擦

治明蜂叮

出百一
選方

用生薑汁塗又苦蕒塗之

治蜂螫

出德生
堂方

右於地上尋小竹或木棍兒正南北安頓者取在手就寫十字先從南畫至北次從東畫至西然後於十字中心插一捻土傅在痛處立止屢曾用之治不可曉須至誠乃驗

治蜂蠆

出肘
後方

用芋葉梗汁傅之沈存中筆談云處士劉湯隱居王屋山嘗於齋中見天蜂冑為珠網絲縛之為蜂所螫墜地俄頃蛛鼓腹欲裂徐徐行入草齒芋梗微破以瘡就嚙處磨之良久腹漸消輕躁如故自後人有為蜂螫者按芋頭傅之則愈

治蜂螫

出十便
良方

用薄荷按貼之瘥

又方 出朱氏集驗方

用蛇皮以蜜塗之炙令熱以貼螫處效又以醬汁塗蛇皮熱傅之甚妙

治蜂蠆螫人

右搗常思草絞取汁以洗瘡

又方

右取屋雷下土水和傅之立愈

又方 出肘後方

用破烏雞卵熱傅之

治蜂螫毒痛不可忍

用按藍青藍及搗莖實塗之

又方 出聖惠方

用蒼耳按取汁塗之

治蜂蠆

取蠟蝟細研醋調塗之

治蜂叮

右以冬瓜葉搗傅之

治毒蜂螫

右取被螫人所居正東上著地草須是頭尾正東西者取中間五寸勿動散著頭灸點所傷處三點依舊著原取處勿亂却東西即瘥

孫真人云見一切毒螫之物不得起惡心向之亦不得殺之後必遭螫治亦難

蜘蛛蜈蚣傷 附論

凡蜘蛛蜈蚣所傷輕者焮腫疼痛甚則潰而成瘡自非外以藥塗傅內以藥疏導未易得愈

方

四神膏 治蜘蛛咬痛

皂莢

蕪荑

雄黃

青鹽

右等分為末和勻蜜調塗咬處頻易甚效

棗葉散 治蜘蛛作瘡

棗葉

栢葉

各五月五日採陰乾

生鐵衣

晚蠶沙

右等分搗為末以生油和如泥先灸咬處後用藥塗之良

蕪荑散

出聖惠方

治蜘蛛咬偏身成瘡立效方

白蕪荑

一分

皂莢

半挺

青鹽

半分

右為末鍊蜜和圓如皂莢子大每有傷著處用蜜調一圓傅在瘡上即效

雄黃膏

一名藍汁膏出聖惠方

治蜘蛛咬偏身成瘡及治蟲牙

傷咬

雄黃

一分

麝香

一錢

藍汁

一大盞

右細研投於藍汁中以塗咬處立瘥若是毒蜘蛛咬即便細細服其藍汁神異立效

香油方

出千金方

治蜘蛛咬毒方

用人屎傅又油淀傅又炮薑貼之又猢猻屎傅之

黃蠟方

出百一選方

治蜈蚣毒蟲咬

用桑枝汁同鹽調擦痛處或用鎔黃臘滴患處肉赤為度一方以桑白皮搗傅之良

柳白散

出聖
惠方

治蜘蛛咬作瘡諸治不差方

柳白皮 一兩

半夏 一兩

右並煨為灰細研以水調塗之

膩粉散

出聖
惠方

治蜈蚣咬人方

膩粉 半兩

麝香 少許

右相和研勻生薑汁調塗咬處一方無麝香

地龍散

出聖
惠方

治蜘蛛咬徧身成瘡立效方

用青葱葉一莖去尖頭作孔子以地龍一枚置葱葉

中緊捏兩頭勿令通氣動搖之候為水塗之所傷便

差神驗

麝香散

出聖
惠方

用棗葉一合入麝香末半錢麻油調傅之立愈

韭根散

出聖
惠方

用韭根一根去土入麝香一錢同研傅之

雄黃膏 治蜈蚣咬痛

用雄黃研細一分用桑根白皮自然汁調傅咬處

桑根散

出十便良方

治蜈蚣咬蒜汁塗方

用蒜洗切細研桑根白皮汁和塗咬處

胡粉散

出千金方

治蜘蛛咬毒方

用烏麻油和胡粉如泥塗上乾則易之

吳茱萸散

出百一選方

治蜈蚣傷

用爛嚼吳茱萸一味擦之立效一方用搗爛蝦蟇塗

之

雄黃散

出百一選方

用生薑汁調膩粉傅之其痛立止一方薑汁雄黃塗

貼亦良

薤白方

出聖惠方

治蜘蛛咬

用嚼薤白傅雄黃亦可遍身腫服薑汁

桑葉方

出經驗良方

治蜈蚣諸虫咬方

先用鞋底土擦之用大蒜桑葉罨於傷處如無用油
或罨傷處或藍塗傷處亦效麻鞋履底灸以指之即

瘡

巴豆方 出經驗良方

治蜈蚣蟲咬傷痛方

用爛研巴豆一粒猪脂膏少許調塗瘡口立愈一方
用胭脂膏少許

白礬散 治蜘蛛并蜈蚣咬傷

用露筋草其根洗淨焙乾搗麤為末用白礬水調貼
苦參散 治蜈蚣咬人痛不止

用頭垢膩和苦參末酒調傅之

椒葱散 出聖惠方 治蜈蚣咬方

胡葱 一握搗如泥 椒 一合

用水煮椒汁洗之後封胡葱泥於咬處即瘥

治蜘蛛咬遍身成瘡立效方 出聖惠方

用井花水研礪砂塗之甚效

又方 出聖惠方

用蝙蝠糞生油研塗之

治蜘蛛咬作瘡諸治不瘥 出聖惠方

生油 少許 豉 一合

用先將油塗咬處即以豉搗作團拭之若見絲入豉中即效

又方 出聖 惠方

用蝦蟇頭炙令黃為末油調塗之立效

又方 出聖 惠方

用鹽和油調塗之數指之神驗

又方 出聖 惠方

用獼猴糞為末油調塗之差人家養者不治不可用

又方 出聖 惠方

用竹筒子長三寸許籠咬處煎醞漿水瀉於筒中冷

即易之以差為度仍取桃枝葉剉煮湯洗之尤驗

又方 出聖 惠方

用嚼續隨子傅之立差

又方 出聖 惠方

用驢馬脚底鼻尿泥塗咬處不過三兩度差

治蜈蚣咬方

用蠟少許將筆管坐所咬處鎔蠟滴向管內令到瘡上三四滴便止

羊乳飲

出聖惠方

治蜘蛛咬人令徧身生絲及中人毒

用羊乳一味飲之愈貞元十年崔員外從質云目擊有人為蜘蛛所咬腹脹大如有孕徧體生絲其家棄之乞食於道後遇僧教飲羊乳未幾而平復矣此方妙

治蜘蛛咬徧身成瘡立效方

出聖惠方

用上好春酒任意飲之取醉使人翻轉身勿令一面卧恐酒毒入腸胃須臾蜘蛛見於瘡中小如粟米自坐盡即差

雞冠血塗方

出聖惠方

治蜈蚣咬

用雄雞冠血塗之立止

附子膏

出聖惠方

治蜈蚣咬痛

用附子一枚生用去皮臍就沙盆內以醋少許磨濃少許塗之

治蜈蚣毒蟲咬

出廣南
衛生方

用皂角於咬處上用艾灸之熱即去之無不效

治蜈蚣傷

出醫方
集成

用大撚紙燈一箇濃蘸麻油點著了於咬處照燻之
毒氣自出盡入油烟中也

又方

出百一
選方

用右手大指中指託地上於中指盡處搯少土傅之
勿令患者知此亦厭勝法耳

又方

出百一
選方

用菖蒲細嚼以傅咬處立愈

又方

治蜈蚣咬法

蜈蚣有赤足者螫
人黃足者甚痛

用大蜘蛛一枚放所咬處令收其毒曾試用之既嚙
痛果即定蜘蛛雖著身稍遠必徑尋其處而嚙之漸
覺腹脹蓋為毒氣所攻須投水中不爾即死一方云
用冷水在傍如蜘蛛死即投水中救活易之以痛止
為度甚妙兼治蠍螫尤佳

必效方 治蜘蛛咬著疼痛

用鹽豉炒乾為細末每用油調塗之必效

治蜈蚣蜘蛛毒

用紅蚯蚓搗爛傅之立效

治蜈蚣毒 出百一選方

用雞糞塗之一云烏白雞尿水調塗之一用燒雞糞

塗之用酒一用醋

治蜘蛛咬 出十便良方

用雄黃末傅又徧身腫飲羊乳愈蘭汁尤佳

治蜈蚣咬 出聖惠方

用蝸牛擦取汁滴入咬處

治蜘蛛咬瘡

用合歡皮葉並去垢搗為末和鐺下墨生油調塗

治蜘蛛咬

用蠟燭燒末油和傅咬瘡上此物能食蜘蛛亦取其相伏也

治蜘蛛咬瘡

用蜂子燒末油和傅之按上蜂赤黑色此物能食蜘蛛

治蜘蛛咬

用山豆根為末吐唾和塗之

治蜈蚣咬人痛不止

出十便良方

用嚼鹽沃土及以鹽湯浸瘡極妙其蜈蚣有赤足者螫人黃足者痛甚一方治蜘蛛螫蜈蚣螫用鹽熱漬

之

治蜈蚣螫人

用蛇銜草按傅之

治蜈蚣蜘蛛毒

出十便良方

用醋磨生鐵傅之

治蜘蛛咬作瘡

出聖惠方

用蘿摩草搗如泥封之日二三傅毒化作膿膿出頻

著勿停

又方 出肘後方

用羊桃葉搗傅之立愈

又方中蜈蚣毒 出十便良方

用蒜切作兩斷以揩之又以蒜磨地取泥塗之一方

治蜈蚣咬痛不止用獨頭蒜磨螫處又嚼塗之立瘥

治蜈蚣螫人

用椶藍汁以漬之即瘥蜈蚣不甚咬人甚亦微殊輕於蜂當時小痛易歇脫為所中幸可以此療之藥皆

用赤足者螫人乃痛於黃足者是其毒烈故也

又方

取屋中土以水和傅之

又方

用趕雄雞令走以雞嘴氣呵之數易雞立瘥

又方

用錫灸令熱以熨之不越十度即差

治蜈蚣蛇咬 出傳信適用方

用蚰蜒一條塗咬處立止一方去殼

治蜘蛛毒 出肘後方

用荊葉袋貯傅瘡腫上

又方 出肘後方

用射罔塗腫上血出乃瘥

又方 出肘後方

用合口椒并葉搗傅之無不瘥

治蜘蛛咬作瘡諸治不瘥

用麩圍咬處塗羊乳於上絲出即差

治蜘蛛毒 出肘後方

用切菜刀燒赤烙之

治蜈蚣咬

用刮指甲末貼即不痛

治蜘蛛咬

用久臭人尿溺於甕中浸所咬處仍以烏雞屎炒浸酒服不然恐毒入

治蜘蛛瘡

用木韭根新者同雄黃研塗之

杏仁膏 治蜈蚣傷

右爛嚼杏仁傅之或以人尿汁傅尤良

治蜈蚣咬傷

用山胡椒加鹽擦

又方 治蜘蛛中人毒

以汗垢擦

又方

汗垢加嫩楓葉擦

中蜈蚣毒

用桑汁白鹽塗亦效

又畏蛄蟪不敢過所行之路觸其身即蜈蚣死故取治

蜈蚣毒也

治蜈蚣咬

以腐木末和醋傅之亦潰取汁傅咬處良

治中蜈蚣毒者

以烏雞屎水調塗咬處效大蒜塗之亦效

治蜘蛛咬

以赤翅蜂燒令黑和油塗之亦取蜂窠土醋和為泥
傅蜘蛛咬處當得絲出差

治蜘蛛蟲等咬

以鐵銹和蒜磨傅之

治蜘蛛咬

以黑驪者溺及乳以物盛之浸瘡或先用醋泔汁洗
瘡然後亦取驢屎處臭泥傅之亦佳一方無乳亦得

治蜘蛛咬

以生鐵鍛後飛淘去麤赤汁烘乾用蒜磨生油傅之
治蜘蛛咬恐毒入肉

用蕪菁末和油傅亦搗為末酒服蔓菁園中無蜘蛛
是其所畏也

治蜘蛛咬瘡

以土蜂窠燒末麻油和傅之一方用醋和為泥傅之
解蜈蚣蛇蟲毒

用鹽按桑葉傅上

治蜘蛛蠶咬

取蘿摩子汁點瘡上

解蜘蛛毒

藍青

麝香

少許

為末傅毒處

蠖蝮尿瘡

附論

凡蠖蝮蟲尿人影著處便令人病瘡其狀身中忽有處
疹痛如芒刺亦如刺蟲所螫後起細痞癩作聚如茱萸
子狀四邊赤中央有白濃如黍粟亦令人皮肉急舉身
惡寒壯熱劇者連起竟腰脇胸治之法初得之磨犀角
塗上止其毒治如火丹法余以武得中六月得此疾經
五六日覺心悶不住以他法治不愈又有人教畫地作
蠖蝮形以刀子細刮盡取蠖蝮土就中以唾和成泥塗

之再塗即愈方知天下萬物相感莫曉其由矣

方

白礬方 療蠹蝮尿

用雞子和白礬傳之浸淫為廣以大蒜磨研書墨塗之

赤小豆散

出干金方

治蠹蝮尿瘡及諸惡瘡

用槐白皮半斤切以苦酒二升漬半日刮去瘡處以洗日五六遍仍以赤小豆為末用苦酒和傳之燥復

易小兒以水和一方醋二升浸半月洗之日五六度

甘草傳方

治蠹蝮尿瘡

用甘草一兩為末韭汁調傳之

雞子膏

出直指方

治蠹蝮蟲又名八脚蟲隱於壁間以尿

射人遍體生瘡如湯火傷

用烏雞翎毛燒灰雞子白和塗之一方云麻油調傳

雞食百蟲故能治之或用燕糞水調傳或南向燕窠

自東取土末之新水調傳

治蠹蝮尿方 出干金方

用殺羊屎燒灰臈月猪脂和封之

又方 出干金方

用搗豉傅之

又方 出干金方

用酢和胡粉塗之一方猪膏塗之又燒蒲灰傅之

治蠹蝮尿瘡方 出干金方

用燒鹿角為末以苦酒和傅瘡上已有汁者燒道傍

弊蒲席傅之一方醋調塗之一方油調塗之

又方 出干金方

用嚼大麥以傅之日三

又方 出干金方

用熟嚼梨葉以水和塗疼處燥復易之一方研爛傅之一方以梨子汁傅之並差

又方 出干金方

用搗馬鞭草爛傅上燥復易之

又方 出千金方

用吳茱萸東行根下土酢和塗之

棟枝灰方 出肘後方

治蠹蝮尿瘡及諸惡瘡

用棟木枝皮燒灰為末如瘡濕即乾傅瘡乾即以錯和傅

之用和猪膏亦可

皂莢脂方 出聖惠方

治蠹蝮尿瘡久不愈

用猪牙皂莢炙令脂止乘熱以脂塗之

治蠹蝮毒 出海上名方

用猪牙皂莢炙令脂用蜈蚣窠水調塗之

治蠹蝮尿瘡 出肘各方

用食鹽三升水一斗煮取六升以綿浸湯淹瘡上

治蠹蝮蟲溺人影亦隨所著作瘡 出肘後方

用雞腸草取汁傅之一方生按傅三四度效

治蠹蝮尿繞腰者

用煎敗漿汁塗之差

治蠹蝮尿瘡繞身匝即死 出千金方

用燕巢中土猪脂苦酒和傅之土蜂窠水調傅亦佳
一方無酒

療蠹蝮尿繞腰欲死

用敗蒲扇煮汁塗之

治蠹蝮溺人影發瘡如熱沸而大繞腰匝不可療蠹蝮

形如小蜈蚣色青異長足

用扁豆葉搗塗之即瘥

療蠹蝮尿瘡

用鵲巢中土以苦酒和傅之

療蠹蝮尿瘡表裏相當一名浸淫瘡

用猪牙車骨年久者槌破燒令脂出及熱塗之

療蠹蝮尿瘡習習然黃水出者

出聖
惠方

用韭搗取以塗之

又方 出聖
惠方

用煮甘草湯洗之

又方 出聖
惠方

用嚼桂塗之

又方

用絞馬屎汁洗之

又方

出聖
惠方

用嚼麻子塗之

又方

用令患人於日裏立側近作沸湯微取以淋患人影
令當所患瘡處六七度仍遣人熟嚼蒜以喫患人影

中患處口中餘蒜氣即真喫患人瘡上愈

治蠖蝮尿人成瘡初如粉粟漸大如豆更大如火烙漿

疔疼痛至甚

出肘
後方

用草茶并汁茶俱可生油調傅瘡上其痛藥至立止

妙一方用燈盞內油調塗

又方

出聖
惠方

用取衆人尿處爛泥塗之

治蠖蝮尿方

出聖
惠方

用白礬滴醋於銹生鐵上磨并鐵銹刮下塗之
治蠹蝮瘡及諸惡瘡

以槐白皮醋浸半日洗之

治蠹蝮蟲尿人影著處便令人體病瘡其狀如粟粒累
累一聚疹痛身中忽有處燥痛如芒刺癢如刺蟲所
螫後細瘡癩作叢如茱萸子狀也四畔赤中央有白
膿如黍粟亦令人皮急身惡寒壯熱極者連起竟腰
脇胸也得之者以此法治之

以犀角磨塗之止

治蠹蝮溺瘡

取磨刀石溼傳瘡有效

治蠹蝮溺瘡

以故內衣結燒灰和油傳之佳

治蠹蝮溺瘡

用猪膏每搗碎敷之

治蠹蝮叮

右用刀就地畫又用刀裁至天面脚了取中間
身上土津調

小豆末傅方 治蠹蝮尿痛汁出

用小豆為末傅瘡上頻易之一方酒調塗之

射工中人 附論

夫江南有射工毒蟲一名短狐一名蜮其蟲形如甲蟲
外臺云正黑狀如大飛生有一長角在口前如弩檐臨
其角端曲如上弩以氣為矢因水勢以射人或聞其在

水中鈇鈇作聲要須得水沒其口便射人也此蟲畏鵝
鵝能食之其初始證候先惡寒禁瘳寒熱筋急仍似傷
寒亦如中尸便不能語朝旦小蘓至夕輒劇寒熱悶亂
此是其證如得三四日當急治之治之稍遲者七日皆
死初未有瘡但惡寒噤瘳未成瘡似蠹蝮尿亦似瘰疽
瘡射工中瘡有四種其一種瘡正黑如麋子皮周邊悉
赤或衣犯之如有芒刺痛其一種作瘡久乃穿或晡間
寒其一種如火灼燥起似此者最急數日殺人備急方

云有四種其一種突起如石癰狀俱能殺人多令人寒熱屈伸張口閉目也 凡山水有毒蟲人涉水中人似射工而無物其診法初得之惡寒微似頭痛目眵疼心中煩懊四肢振煖腰背百節皆強而兩膝痛或翕翕而熱但欲睡旦醒莫劇手足逆冷至肘膝二三日腹中生蟲食人下部肛中有瘡不痛不癢令人不快不急治過六七日下部出膿潰蟲上食人五臟熱盛毒煩下利不禁八九日雖良醫不能治矣覺得之急早視其下部若有瘡正赤如截肉者陽毒最急若瘡如鯉魚齒者為陰毒猶小緩要皆殺人不過二十日也欲知是中水與非者當作五六升湯以小蒜五升呋咀投湯中消息勿令大熱去滓以浴之是水毒身體當發赤斑無異者非也當以他病治之本草云水弩射工短狐等蟲生於山水間含沙射人影而成疾或如瘡狀及如天行病者名曰沙病今人謂沙子証然亦有非射工水弩之毒不過山嵐瘴氣感而成病今以繩擦之所指是太陽經脈所遇

欽定四庫全書

之處則邪氣出而病愈矣江西袁州一河其間多生水
弩彼人云其蟲射人人中之即病却以綿措身上或措
著如針刺則以針挑去令血出其病即愈然彼人終日
食此水及於此浴緣此蟲聞水動則射人彼人欲入此
水則先以石打水動後方入水則其蟲以射不能中人

方

五香散

出干金方

治江南毒氣惡核射工中人暴生瘡

甲香 犀角 鱉甲 升麻 薰陸香

烏嬰 丁香 沉香 黃連 青木香

羚羊角 黃芩 甘草 牡蠣各四分 黃蘗六分

吳茱萸三分

右為細末中射工毒及諸毒皆水服方寸匕日三煎
以水和少許洗之仍以雞子白和塗腫上乾則易一
方無青木香

犀角散

一方甲香散出聖惠方

治射工毒腫生瘡

犀角 鎊 甲香 射干 木香 乳香

丁香

黃連

升麻

鱉甲

醋炙去裙襴

牡蠣

羚羊角

甘草

炙剉

黃芩

去黑心各一兩

黃蘗

去麤皮

吳茱萸

湯洗晒乾各半兩

右除乳香研外搗為散和勻每服二錢調下日三兼

以雞子白調塗瘡毒良一方有薰陸香無乳香

野葛膏

出千金方

治射工惡核卒中惡毒方

野葛 一升

巴豆

烏頭

蜀椒 各五合

茵芋

躑躅

附子

丹砂

各一兩

雄黃

大黃

各七兩

右為細末以不中水猪膏三斤煎三上三下去滓內

丹砂雄黃末攪至凝以棗核大磨痛上勿近眼凡合

名膏皆毋令產婦女人小兒雞犬六畜見之惟宜清

淨

治卒中射工水弩毒方 其毒有四種惟如灼人肉燂

起作癢者此種最急並皆殺人居毒之地天大雨或

逐人行潦流入人家而射人家宜養鵝見即食人

行將純白鵝以辟白鴨亦善帶好生犀角佳也

治療射工毒方

出聖惠方

用以白梅皮裹豉母蟲吞至六七枚勿住取水浮走
豉母蟲一枚置口中便差豉蟲已死者亦起蟲有毒
應不可吞

治水毒中人

一名中溪一名中濕一名水病似射工而實無物

用小蒜三升吹咀放湯中莫令太熱即無力去滓適
寒溫以浴若身體發赤斑者無異

升麻散

出千金方

治人忽中水毒手足指冷或至肘膝者

方

吳茱萸

一斤

生薑

切一斤半

犀角

升麻

橘皮

各二兩

烏梅

右吹咀以水七升煮取二升分二服

治溪毒沙虱

用馬齒莧搗絞汁一升漸以傅瘡上佳

治中射工毒

用白鵝血飲之又以血塗之身

桃葉方 治吐俗療溪毒方

右初覺便取溪蒜希簽桃葉剉一斛蒸使遍熱出布
 席上解衣卧上厚覆衣被大汗良久出拭之勿見風
 則差已五六日恐毒入腹不可先爾應先服藥東間
 諸山有大木名埋檀枝葉上似梨冬不凋剥取白皮
 皮重叠如紙槌破煮服一斗日夜六七過無生者豫
 取乾之單用柏根白蘘荷根藍青汁並佳若卒無根
 葉亦可單用藍汁服之亦可都合煮取汁漬之若患

腹中痛忍轉成蠱噉人腹藏者取猪脂二升熬令燥
 水一斗絞取汁稍稍服之

雄黃硃砂方 出干金方 療溪毒

雄黃 硃砂 常山 各等分

右五月五日午時使童子搗合之取傅瘡上

巴豆方 出肘後方 治卒中射工水弩毒

右鼠婦蟲豉各七合巴豆三枚去心合猪脂但以此
 藥塗之

升麻散

一名犀角散
出千金方

治射工中人瘡有三種一種瘡

正黑如靨子狀周徧悉赤如有刺痛一種作瘡經久
乃穿晡間寒熱一種如火灼烟起此者最急數日殺
人此病人寒熱方

犀角稍 二兩

川升麻 一兩

射干 一兩

一兩

右搗為散每服四錢以水一中盞煎至六分去滓不
計時候溫服

射干散

一名和氣散
出聖惠方

治證同前

射干

川升麻

各二兩

右剉以水三大盞煎至一盞去滓適寒溫盡服其滓
傅瘡上一方用烏扇根三兩研末

治射工及疰氣發無常處

用白芥子為丸服之或搗為末醋和塗之隨手有驗

中射工溪毒

以葱和鹽研置傅之

犀角塗方 治射工毒

右以犀角不拘多少以水磨塗所處又取細末與麝香同研水調一錢服之

梅桃散

出千金方

治人忽中水毒手足指冷或至肘膝者

方

右取梅若桃葉搗絞取汁三升許或乾以少水絞取汁飲之小兒不能飲以汁傅乳頭飲之

熊膽散

治水弩射人

用熊膽塗之更以雄黃同酒磨服之即愈

解毒散

出瑞竹堂方

治毒蛇射工沙虱等傷著人眼黑口

噤手足直強毒氣入腹者服之效

白礬

研

甘草

各等分

右為末每服二錢冷水調下

皂莢膏

出肘後方

治射工傷人傅方

皂莢一挺長一尺二寸者槌碎以醋一升煎如湯以

滓傅於瘡

又方

出聖惠方

用馬齒莧不拘多少爛搗取汁飲一盞又爛搗傅毒
上日四五易

治射工中人毒方

出聖
惠方

用胡葱不拘多少細切爛搗以搗瘡上灸十壯即差
一方云胡蒜

治射工中人寒熱或發瘡偏在一處有異於常者方

出

金方

用鬼白葉一把漬苦酒中熟搗絞取汁服一升日三

或用醋

又方

出十
金方

用吳茱萸莖葉一握斷去前後取握中熟搗以水二
升煮取七合頓服一方用葫切貼瘡灸七壯

又方

出十
金方

用蜈蚣大者一枚火炙為末苦酒和以傅瘡上或用
醋以治口噤

又方

出十
金方

用赤莧菜熟搗絞取汁每服一升日四五服以滓傳之

又方 出千金方

白雞屎取白頭者三枚錫和塗中毒處

治射工中人已有瘡者但惡寒癢疹及其成瘡似蠅螋

尿亦似風疽 出千金方

用芥子爛搗勾酒和厚塗瘡上半日痛便止醋調亦可

治人忽中水毒手足指冷或至肘膝者方 出千金方

用浮萍草曝乾為末酒浸服方寸匕

又方 出千金方

用搗蒼耳汁服一升又以綿裹杖沾汁導下部日三瘥

又方 出千金方

用搗蓼一把以酒和絞取汁一升飲之不過三服差外臺後作梨葉

又方出千金方

用搗蓼一把以酒把水解以塗浴面目身體令徧

又方出千金方

用搗蛇莓根為末水飲之并導下部生者用汁凡夏月行常多齋此藥屑入水以方寸匕投水上流無所畏又辟射工凡洗浴以少許投水盆中即無毒

治射工毒

用獨頭蒜切之厚三分已來貼瘡上灸之令熱氣射

入即瘥

治水弩射人出千金方

用臘月猪膏塗足拍間趺上及著鞋處蛭不敢著人一方和鹽塗之灸斷其道

治療中毒方

用大莓連根搗作屑服之亦可投水搗絞汁飲一二升道下部生蟲者夏月常行多齋此屑欲入水浴先以少屑投水上流便無所畏又辟射工家中雖以器

盛水浴亦常以此屑投水中大佳治溪毒每春月多得亦如京都傷寒之狀呼為溪瘟未必皆是射工輩爾亦盡患瘡痢但寒熱煩疼不解便死

用東向三禹步即以手左一攪取水將蒜一把熟搗以酒漬之去滓可飲三兩杯當吐得吐便瘥此方甚妙

治療溪毒 出肘後方

用五加根燒末以酒若漿服方寸匕

又方

用燒鮫魚皮以飲服方寸匕立瘥

又方 出肘後方

用荊葉搗汁飲之佳

又方 出肘後方

右搗漆姑以塗其腰背諸處漆姑生冬間細葉如蒜

狀

又方

用烏蒜一枚搗以酒和服半升得吐即瘥一名烏韭
山中甚多

療溪毒下部生瘡已决洞者出肘後方

用伏米一升鹽五升一石作糜坐中即愈

又方出肘後方

用桃葉艾葉搗熟以水漬之絞取濃汁去滓著盆中
坐有白蟲出差

又方出肘後方

用鹽和皂莢末搗綿裹導之一方無鹽亦可

又方出肘後方

用末牡丹屑以飲服方寸七日三

治療溪毒及沙虱毒出千金方

用大蒜十枚合皮安熱灰中炮令熱刀切斷頭以挂
所著毒處盡十片復以艾炙瘡上七壯則良

又方

用蓼搗取汁服一二升又以塗周匝差

又方

用雄牛膝根一把搗水酒共一升漬絞取汁飲之日
三雄牛膝莖白紫色者是

治水弩子方

川烏頭 一兩半生炮 巴豆 一兩去皮
半熟去皮臍 硃砂 半兩
心出用 硃砂 別研

右先將烏頭末後入二味再研用生薑自然汁煮麩
糊丸如菜豆大以硃砂裹過熟水下三丸未轉再服

治水弩子貼瘡方

蚌蛤 厚者一合 黃丹 一兩 麝香 一分
燒為末

右同研細用油調塗瘡上以帛子蓋之

治溪毒射工

取溪鬼蟲口邊角帶之其蟲出於有溪毒處山林間
亦名射工蟲

治溪毒射工

以狄耳草絞取汁服滓傳瘡上血出

治溪毒沙虱水弩射工蝮短狐蝦鬚等病

用鷓鴣鳥至病人邊則能咬人身訖以物盛之當有以石出也亦可用燒末及毛作灰服之

山水毒處即生此鳥也此數病俱是山水間蟲含砂射人影亦

有無水處患者夜卧常以手摩身體覺辣痛處熟視

當有赤點如鍼頭急捻之以芋葉入肉刮却視有細

砂石以蒜封瘡頭上不爾少即寒熱瘡漸深也其蝦

鬚瘡桂嶺獨多著者十活一二唯有早覺者當有芋

草及大芋甘蔗葉入內鈎之深盡根蒜傳可差須臾

即根入至骨其根拔出如蝦鬚亦有如丁腫最惡者生人幽隱處自餘六病或如瘡及天行初著寒熱亦有瘡出者亦有無瘡者要當出得砂石

沙虱毒 附論

沙子病江南舊無今所在皆有之其証如傷寒頭痛嘔惡悶亂須臾能殺人多用麻繩擦頸及膊間出紫點則愈或用針膝後委中穴出血則愈山水間多有沙虱其蟲甚細不可見人入水浴及汲水澡浴此蟲在水中著

人及陰雨日行草中即著人便鑽入皮裏其診法初得之皮上正赤如小豆大黍米粟粒以手摩赤上痛如刺過三日之後令人百節強疼痛寒食赤上發瘡此蟲漸入至骨則殺人凡在山澗水澡浴畢當以巾拭身中數遍又以故帛拭之一過乃傅粉也今東間無不有此浴洗畢以巾拭熯熯如芒針刺熟看見處仍以竹葉拂去之比見嶺南人初有此者只以茅葉刮去乃小傷皮膚為佳仍數塗苦苣菜汁差以深者用針挑取得蟲子正

如疥蟲者爪上映光方見行動也挑不得便就上灸三四炷則蟲死病除若只兩三處不能為害多處不可盡挑灸若猶覺惛惛是病已大深便應依土俗作方術出之并作諸藥湯以浴皆得一二升沙出沙出都盡乃止若無方術痛飲番酒取醉亦佳如其無則依此方為療并禁用前中溪毒射工法急救七日中宜差不爾則仍變成溪毒茹蕪葉大長四五寸初著腹脇腫如刺破則雞擒之虫出食雞或三四數過取盡乃止須服麝香犀

角護其內作此療之彼土有中之者不少呼此病為蚪
呼故切沙蟲吳音名沙作盜護如鳥長尾盜者言此蟲能
招呼溪氣東間山行無處不有其蟲著人肉不痛不即
覺者久久便生子在人皮中稍攻人則為瘻山行宜竹
管盛鹽數視體足見者以鹽塗之便脫雜少石灰尤良
亦斷血而辟水溫又云所謂蜂蠱作於懷袖貴育為之
驚恐言其小而有毒起乎不意也世人呼蠹蜒為蠱子
而未嘗中人乃言不可螫人雷鳴乃放想亦當極有毒書

家呼蠹蜒為守宮本草云守宮即是蜥蜴如依東方朔
言則兩種物矣今蜥及蛇醫音醫母並不螫人蜥蜴有五
色具者亦云是龍不可殺之令人震死今又有一小鳥
蟲子尾有翅世人呼為甲蟲而尾似車翅兩蠱尾後復
言此蟲是蠱未詳其正矣

方

麝香散 治沙虱

麝香 少許
辰砂 少許

右細研為末以鹽塗之差

羊脂膏

出千金方

治沙虱毒

麝香

大蒜

右合搗以羊脂和著小筒中帶行欲用取傅瘡上

如聖散 治瘰癧毒

右用少許麝同傅瘡上過五日不差當用巴豆湯服之一日輒以巴豆一枚二日則二枚計為數並去皮心以水三升煮取一升盡服之未差即便可作服之

治沙虱毒

出千金方

用班猫二枚一枚熬為末服之一枚燒令烟絕為末

著瘡中

又方

用白蒿草苣菜汁傅之瘡

治療沙虱

用鹽五合以水一斗煮一沸以漬洗瘡上

又方

若初著有赤點如米以鹽和麝香塗之瘥

治初中沙虱有赤點如米良久即如刺在肉中者

用竹葉刮之令血出仍斷大蒜摩之即瘥

治卒中沙虱毒

山水間多有沙虱其蟲甚細畧不可見人入水浴及
以水澡浴此蟲在水中著人身及陰天雨行草中亦
著人便鑽入皮裏其診法初得之皮上正赤如小豆
黍米粟粒以手摩赤上痛如刺三日之後令百節強

疼痛寒熱赤上發瘡此蟲漸入至骨則殺人自有山
澗浴畢當有布拭身數遍以故帛拭之一度乃傅粉
之也

治療沙虱毒

今冬澗水無不有此浴竟中拭燂燂如芒毛針刺熟
看見處仍以竹葉抄挑去之比見嶺南人初有此者
即以茅葉茗葉刮去乃小傷皮骨為佳仍數塗苦苣
菜汁佳

辟風方

水銀 不拘多少

右以茶末拌在手心以津唾研和令不見星擦在綿帶子上繫於有風處每一條帶約三箇月無風

辟狗蚤方

韶腦 不拘多少

右以薄紙裹之放在枕邊或被下即無也

治風咬

水磨硃砂傅雄黃醋磨塗

治諸溪毒沙虱

以白蘘荷煮汁服之

治沙虱毒

以射罔傅之佳

治溪沙毒

用搗蒜貼之熟醋浸之經年者良

治沙虱水弩

欽定四庫全書

普濟方

四七

用蜚蝗十枚端午日收乾者佳杵末油調傳之

辟蚊子

右用皂角蒼朮乾浮萍等分為末飯丸彈大令乾燒之

辟蚊辟虱狗蚤

右用駝糞白鱖魚骨為末燒之末無凡新屋未居先燒之直至屋壞亦無

普濟方卷三百八

欽定四庫全書

普濟方卷三百九

明 周王朱橚 撰

折傷門

總論

夫諸脈從肉諸筋從骨骨三百六十有五聯續纏固手所以能攝足所以能步凡厥運動罔不順從若乃倉卒之際墜墮倒仆折傷蹉跌患生不測詎可殫舉究圖療

治小則消腫而舒攣大則接筋而續骨各有方劑存焉
凡從高墜下傷損腫痛輕者在外塗敷可已重者在內
當導瘀血養肌血宜察淺深以治之若損傷惡血不散
脈者血之府血行脈中貫於肉理環周一身因其肌體
外固經隧內通乃能流注不失其常若因傷折內動經
絡血行之道不得宣通瘀積不散則為腫為痛治宜除
去惡瘀使氣血流通則可復完也傷折腹中瘀血者因
高墜下倒仆擗撲氣血離經不得流散瘀在腹中速宜

下之遲則日漸瘀滯使人枯燥色不潤澤痿痺血瘀之
病骨節損折肘臂腰膝出血蹉跌須用法整頓歸元先
用服麻藥使不知痛然後可用手治凡脚手各有六白
四折骨手有六處出血四折骨手脚亦三處出血手掌
根出血其互交骨相鎖或出血則是剝出鎖骨之外須
是搦骨相鎖骨不歸窠或出外則須搦入內或出內則
須搦入外方歸窠血若只用手拽斷難入窠十有八九
成痼疾也手六出血四折骨手臂出血此骨上段是白

下段是杵四邊筋脉鎖定或出臼亦判損筋所以出臼此骨須洩手直一人拽須用手把定此間骨搦教歸窠看骨出那邊用竹一片夾定一邊不用夾須在屈直出夾才服藥後不可放定或時又用拽屈拽此處筋多喫藥後若不屈直則恐成疾日後曲直不得肩腫上出臼只是手骨出臼歸下身骨出臼歸上或出左或出右須用杵杵一枚小凳一箇令患者立凳上用杵撐在下出臼之處或低用物墊起杵長則墊凳起令一人把住手

尾拽去一人把住杵令一人抱住患人於身從上坐落骨節歸已窠矣神效若不用小凳則用兩小梯相對木棒穿從兩梯股中過用手抱定木棒正稜在出臼腋下骨節蹉跌之處放身從上墜下骨節自然歸臼矣脚六出臼四折骨或脚拔上交胛處出臼用一人拽去自然手摸其骨節或骨突出在內用手止從此骨頭拽歸外或骨突向外須用力拽歸內則歸窠若只拽不用手整入窠內誤人成疾 脚大腿根出臼此處身上骨是

向脚根是杵或出前或出後須用一人手把住患人身一人拽脚用手盡力搦歸窠或是剝開又可用軟綿繩從脚倒吊起用手整骨節從上墜下身直其骨便自歸窠背脊骨折法凡挫脊骨不可用手整頓須用軟繩從脚吊起墜下身直其骨便自歸窠未直則歸窠須要墜下待其骨直歸窠然後用大桑皮一片放在背皮上杉皮两三片安在桑皮上用軟物纏夾定莫令屈用藥治之脚手骨被壓碎者須麻藥與服或用刀割開甚者用

剪去骨鋒便不衝破肉或有粉碎者與去細骨免膿血之禍然後用大片桑白皮以二十五味藥和調糊藥糊在桑白皮上莫令差錯三日一洗莫令臭穢用藥治之又切不可輕易自恃有藥便割剪便弄須要詳細審視當行則行尤宜仔細或頭上有傷或打破或刀傷骨碎用藥糊角縛不使傷風切須記之用藥治傷則用糊藥封角切須不可使風入乳腫其血自消散不攻瘡口止骨金瘡須看脉候始知傷痛臟腑致命處一觀其脉

虛促危矣傷處淺命脉虛促亦為後慮傷至重命脉和緩永無慮也脉有虛實有去來有疎密或被傷臟脉不死者必關脉實重則勿慮或傷至死處其關脉無別脉洪大則難醫如用兩件藥後脉不轉動急急住藥若脉漸漸隨藥轉此則可治無慮或出血甚者脉不甚洪大只要平正重實其血不會出者亦無惡血在內者其脉洪大不要疎密亦不進退來去恐其變凶看傷脉每與內科脉不同或傷內或致命或難醫處被傷者命脉促

已去矣此等切勿治之 擗撲傷損或被傷入肺者縱未即死二七難過左脇下傷透內者腸傷斷一半可醫全不可治小腹下傷內者診候繁多者脉不實重者老人左股壓碎者傷碎破陰子者血出盡者肩內耳後傷透於內者皆不必用藥 打擗及樹木壓徧身痛者打擗樹木壓或自高處擗下者此等傷皆驚四肢五臟必有惡血在內專怕惡心先用清心藥打血藥及通大小腸洗利恐隘塞利害之甚清心藥加前方通利大小腸

藥服自然俱通無悶煩無惡血害心以次用止痛藥服之即止

接骨

附論

夫正骨續筋方法備急非虞斷筋折骨之疼嗚訛悶胸裨止相當覆塗之藥綿纏水溫淨息永通立府開舒汗隙藥歸腫散痛消血脉旋流布週榮衛省身愛力以時中養氣痊平月餘而已

接骨手法

下頰骨脫落法

令人低坐用一手帕裹兩手大拇指插於病人口裏內外捏定大斗根往左布上下搖動令病人嚥唾一口往下送之入向腮外用膏藥貼之再用一手帕往上兜之內服沒藥乳香散痛者黃耆散忌硬物十數日

缺盆骨損折法

令病者正坐提起患人臍膊用手揣捏骨平正用

乳香消毒散數貼以軟絹捲如拳大兜於腋下上用一薄板子長寸濶過半軟紙包裹按定止用膺爪長帶子拴縛定七日換藥內服烏金散定痛疼腫破消後次伸舒起指以後骨可如白

肩胛骨脫落法

令患人服烏頭散麻之仰臥地左肩脫落者用左脚登定右肩落者右脚登定用軟絹如拳大抵於腋窩內用人脚登定挈病人手腕近肋用力倒身

扯拽可再用手按其肩上用力往下推之如骨入臼用軟絹捲如拳大墊於腋用消毒散貼內服降聖丹痛者黃耆散三日一換藥定痛腫消換膏藥貼之常以伸舒演習如舊

臂膊骨傷折法

令患人正坐用手挈患人肘膊伸舒揣捏平正用消毒散數貼外用薄板片紙裹絹之縛定內服接骨烏金散痛者乳香黃耆散二七日定可換藥依

前扎縛痊可為妙

肱膊骨傷折法

令患者正坐用手按捏骨止依前法用藥扎縛凡病人手面於仰看可為妙

肋肢骨折損法

令患者服烏頭散麻之次用手按捏骨平正用乳香消毒散數貼服之導滯散并復元活血湯下之以利為度再用按骨烏金散降聖丹調治後用膏

藥貼之以後骨可如舊

膝骨脫落法

令病人服烏頭散麻之仰臥仰倒比兩腿膝蓋高者蹉在下也一手掣定腳腕右蹉在下往左動搖送之若蹉在上往下伸舒扯拽如骨入臼再用比雙脚根齊用走馬散貼內服降聖丹沒藥乳香散如疼定腫消用膏藥貼之後次演習行步

腿脛傷折法

令病人仰臥倒比脚根齊恐胯骨出白用手拿病人膝下一手拿脚腕伸舒扯拽脚根對齊如骨折處再用手按捏骨平正用消毒散敷貼外用長板子紙包裹絹帶子扎縛裏外用磚靠定勿令腿搖動脚頭抵正二七日方可換藥時輕手解開用葱椒湯軟絹搵洗敷藥用銅匙柄穿帶子勿令腿動以後伸舒演習行步

膝曲蓋損破骨法

令病人正坐用一竹篾圈比膝蓋大小上用軟紙纏圈如皮破者用玉真散敷貼破處并敷貼藥用紙篾圈絹帶子縛定內服烏金散黃耆散如不破者五七日一換如破者帶瘡口成膿香油潤起用葱椒湯洗敷絹搵洗用敷貼藥定疼痛腫消常以演習行步方得完全

賺取骨傷折法

令病人正坐一手拿病人膝下一手拿脚腕用力

伸舒扯拽捏骨平正如皮破者玉真散貼之上用敷貼餌外用薄片紙包裹絹子扎縛過三五日待瘡口成膿香油潤起用葱椒湯搵洗上用生肌散并太乙膏貼之後扎縛留瘡口恐有膿血出內服烏金散加味通聖膝下軟衣斃之如大破者二七日一換藥用磚裏外靠定勿令腿動痊可為妙

破傷骨折法

如破傷折骨服金烏散麻之如骨折簽出皮者用

銅匙柄挑起皮皮破如舊用玉真散敷貼如骨折低者往上搵之如骨折高者往下按之揣捏骨平正用油搽皮膚或密亦可用敷藥乾搽搵洗用生肌散并太乙膏貼之初服導滯散下之後服止痛祛風藥方并接骨藥托裏散調治如皮破骨折者膿隨血相混成膿接不正以後次演習行步終不得定完成全

脚腕蹉跌出血法

令病人正坐倒一手拿病人脚腕一手拿脚大腿
扯拽搖動按捏骨入臼平正用走馬散敷貼外用
長片板子絹帶縛於脚腕并小腿上恐脚不正用
軟衣塊之內服降聖丹乳香散以後行步演習痊
可為妙

用麻藥法

凡擗撲損傷骨肉疼痛整頓不得先用麻藥服待其不
知疼痛方可下手或服後麻不倒可加蔓陀羅花及草

烏五錢用好酒調些少與服若其人如醉即不可加藥
被傷有老有幼有無力有血出甚者此藥隨時相度入
用不可過多亦有重者若已見麻不倒者又旋添些更
未倒又添酒調服少許已倒便住藥切不可過多

去惡血法

凡擗撲刀傷諸般傷損至重者皆先服清心藥次服清
小便藥三服去血藥被傷者血未結打從瘡口中出或
結在內藥用打入大腸時即泄出或被打破擗破木壓

惡血未積者用藥打散四肢或歸臟腑者或歸上膈者打從口中吐出或歸中膈打入大腸泄出先用此急救次服止痛藥即二十五味藥中加減用

用藥加減法

凡傷有淺深隨其吉凶用藥如折骨者則用後二十五味接骨方治之再加自然銅白芷乳香沒藥川芎各五錢立效若傷臟腑用清心藥加川芎當歸赤芍藥各二錢或肚腸傷破加白芷五錢同後清心藥服或被傷浮

腫不通加皂角黃栢皮半兩入金紫皮散內傅之或頭破傷風亦用紫金皮散加皂角黃栢皮傅之立退或筋斷接骨者用二十五味加斷續半兩或諸處傷痛不止者仍用二十五味加川芎五錢或惡血汚心不下用後清心藥加大黃枳殼五錢或氣觸痛加木通丁香藿香三錢同二十五味服之凡加減末者加末散者加散其餘只依本方不用加減孕婦擷撲傷損先用安胎藥後服二十五味接骨去草烏川芎餘依本方

又用藥加減法

凡損若不折骨不碎骨則不可用自然銅於藥內除去無痰涎不用半夏老人有傷者骨脉冷每加當歸川芎川烏木香丁香人參五錢去白芍藥生地黃此亦二十五味內加減老人服此或傷臟腑者不問老少如有血并痰從口中出者清心藥加丁皮川芎半夏入二十五味內同服腿腫有血或皮冷加乾薑五錢入退腫藥內糊腫上腫及血自然退散或皮膚熱者加黃柏皮皂角

五錢入腫藥內角處自然退

用藥湯使法

凡藥皆平湯使所使方先但用清心藥煎後用童便一盞同服或止痛重傷者則用薑湯燈心湯調二十五味藥服之薄荷湯亦可凡傷或刀傷及損內臟腑恐依煩慳悶崩血之患如折骨者用薑湯酒服接藥傳之如骨碎破重打重擗重木石壓者皆用先服湯使法未並用酒服如輕擗撲損傷則用薑酒調下二十五藥立效凡

碎進頸骨用手巾一條繩一筮繫在坊上垂下來以手巾兜縛頰下於後腦殼縛接繩頭却以瓦罌一箇五六寸高看碎碎入淺深斟酌高低令患人端正坐於其罌上令伸脚坐定醫用手採擦平正說話不覺以脚患脚一踢踢去罌子如在左用手左邊撥出左右邊撥出右一法令患人臥牀上以人擦其頭雙足踏兩肩即出凡左右兩肩或顛墜失落若骨腦又出在前可用布袋脫繫在前如出在右腕繫手在背後若在摺向右肘右

出左肘骨即入接左摸右髻接右摸左髻

凡背上被打傷處帶黑單調肉桂末貼熱腫用一黃散血不出內疼痛者乳香沒藥酒調一黃散貼却不破血藥

凡手睜腕骨痕棚直拽出藥用手擡起手睜腕以患人手本身膝頭墊定醫用手於頸項肩處按下其骨還白用藥敷貼若手腕失落或在上在下用手拽身伸却便手攥住方可貼藥夾縛若手睜骨出圓大椅橫番向上

醫用足踏定將病手在橫椅校曲入腕內以文書貼定平穩用絹兜縛時要手向上若手盤出向不可牽伸用衣服向下承住用手搏按入向搖三次脚用夾縛下用襯夾凡手骨出向右則醫以右手拔入骨出向左則左拔之一伸一折搖動二三次凡手與脚骨皆有两筮前一筮斷可治若皆斷不可治凡手足骨者中間一坐縛可帶緊兩頭放寬些庶氣血流陰又法腫若如截竹斷却要兩頭繫中間帶寬便益血氣聚斷處又手盤出向

下將掌向上醫用手搏損動處將掌曲向外用夾向背一片長托在手背後向西面一片短在掌按處向小指一片長在指曲處向大指一片短在高骨下三度縛去却貼藥丸兩手臂骨打斷有碎骨跌斷骨無碎骨凡手指打碎用油潤以薄笋穉管定看冷熱用一黃散或黑龍散貼之凡腰骨損斷先用門扇一片放斜一頭令患人覆臥以手捍上下用三人拽伸醫以手按損處三時久却用貼藥病人渾身動作一宿至來日患處無

痛却可自便左右翻轉仍用通貼藥若前後不便聽其施溺更用內外住痛神授乳香散在後

凡臂腋左右跌出骨者左入左右入右用脚踏進如跌入內令患人盤脚按其肩頭用膝旅入雖大痛一時無妨却用貼藥從緩仰臥用手捺襯再加貼藥喫藥未可翻臥大動後恐成損腰腿傷全用酒佐通氣血藥

凡胯骨從臂上出者用三二人捉定腿拔伸仍以擦送入如在襠內出者則難整凡脚骨傷甚難整

凡兩腿在左右或打或跌者多用葱打斷者不用薑葱以手法整其骨左上於前右於後以手拽正七分不拽五分整定用貼藥後以松皮夾縛縛時先縛中坐後縛上下外用副夾竹繩若上下有腫痛無慮五日方可解外縛約一七方可轉動解外縛未可換藥仍渾用消服藥凡辨腿胯骨出以患人比並之如不粘膝便是出臼內如粘膝不能開便是出身凡脚盤出臼用人以脚從腿上踏一搬雙手一搏搖二

三次以藥夾凡膝蓋或左右損斷用手按直用貼藥夾一月若腫痛須用針刀去血却敷貼用夾或外頸踝骨兀折左右脚盤用脚踏直或針患處却敷貼喫住痛藥不得令冷若膝骨跌出舊牽合不可大曲直則不見其骨積曲亦然可半直半曲以竹籊住以帛縛住

凡胸前跌出骨不得入令患人靠實處立用兩腿踏患人兩脚却以手於其肩掬起其胸膛其骨自入用藥封縛亦在隨機應變凡胸膛有拳槌傷外有腫內有痛外

用貼藥內用化血藥如刀傷可用刀安骨定皮合口外用貼藥糝口內用吃藥

凡胸前筋斷先用破血却用黃雲膏貼胸脇傷血作不通用生菜豆汁生薑自然汁和服以一壯力在後擠住自吐出其血也凡腸出可以病手搭在醫肩背隨其左右掙起以熱油瘡口潤整入腸打噴涕一箇却用桑白皮為線打曲針向皮內縫合後內用斷血合口藥固濟用絹袋縛定再貼絹上再縛若秋冬間有此證先用斷

血合口後用狗子一隻割取服口皮貼瘡口割候封藥
聯口用若腸上有損針鼻大以燈火照之腸中有氣射
燈證不可治

又法腸出吊起病人手用醋煎山豆根汁服一口至二
口却以針於病人頸上一刺腸自入凡腸上必有熱黑
紫斑及有曲縫痕者是腸也如有膏一重黃一重肉
更用胰子肉出也腸若出不割如實是膏不得入可割
除須詳辨認凡拔伸擦上紙布絹軟物單正仍拔伸當

近在骨損傷不得前丟一節骨上仍拔伸相度左右骨
有正拔者有斜拔者搏擦要手便法快要皮骨相就正
平整拔要相度難易或用一人二人已上彭氏口教骨
者可用肥株去皮弦子膜以童便煮生薑二味打爛入
飛羅麵加入前獨活八味打和用紙布絹片却用前正
副夾須子細整頓其骨緊縛後看上下腫痛消者方可
換藥仍服住痛藥且貼了此肥株一翻便如鐵鉗牢者
宜斟酌日子看有無動作方可換藥

凡斷筋骨者先用手尋採傷處整頓其筋如前方貼藥及藥用正副夾正用杉皮副用竹片

凡骨斷皮破者不用良薑肉桂止用蔥汁調貼或損在內可用童便薑蔥生油和通藥服如通以過只用順血上氣藥餘血在腹作脹更進前藥無事一方用損藥仍看病人虛實若斷骨皮不破整其骨先用貼藥加良薑肉桂在貼藥內以蔥汁調塗

凡皮破骨差出爰拔不入搏擦皮相近三分用快副尖刀割開此擦入骨不須割肉內自碎了不可入骨即用黑龍散敷貼瘡四旁腫處留瘡口用風流散填之若不破用黑龍散敷貼之用風流散破者血出用力整肘最要快便

凡骨碎看本處平正如何大些骨低是不曾損左右高骨定損要拔伸擦平用藥敷貼束縛要平正擦了曲處時時曲轉便活處不强

凡敷貼用板子一片就板子上將皮紙或油單紙攤黑

龍散在上移在損處皮肉有碎骨後來皮肉自爛碎骨自生若破斷皮肉用風流散填塗用線縫合用黑龍散敷貼

凡腦骨傷碎輕輕用手搏擦平正若皮不破用黑龍散敷貼皮若破用風流散填塗瘡口用絹帛包不可見風着水恐成破傷風如水及風入腦成破傷風必發頭疼則難治急用玉真散貼服

凡腦骨傷碎在硬處可治若傷太陽穴不可治如在髮

際須剃去髮用藥納入看皮破不破依上用藥服或填若欲洗只可用熟油洗髓出多用腦麝末掩

凡腦及兩角後傷或兩眉有傷可治眼睛傷不突瞳人不碎可治頭頂心有損傷難治

搓滾舒筋法道人詹志水者信州人初應募為卒隸鎮馬軍二十二歲因習驍騎墜馬右脛折為三因頓欲絕軍帥命昇歸營醫救鑿出貼骨半年稍愈扶杖緩行骨空處皆生獨脚生筋攣縮不能伸既落軍籍倫於乞丐

經三年遇朱道亦舊在轅門問曰汝傷未復初何不救
 醫對曰窮無一文豈能辦此朱曰正不費文但得大竹
 管長尺許鑽一竅繫以繩掛於腰間每坐則置地上逢
 足搓滾之勿計工程久當有效詹用其說兩日便覺骨
 髓寬暢試猛伸足與前日差遠不越兩月病筋悉舒與
 墜時等又頃見丁子章以病足卒故作轉軸踏用之其
 理正同不若此為簡便無力者立可辦也

紫金丹 治打傷損骨折

川烏炮 草烏炮 五靈脂 木鼈子去殼 骨碎補

威靈仙 金毛狗脊 自然銅醋淬七遍 防風各五分 地

龍去土 烏藥 青皮去穢 陳皮去心 茴香各半錢 乳香

沒藥 紅娘子 麝香 黑牽牛半錢 餘糧石微炒

右為細末醋麪糊丸梧桐子大每服十九至二十九
 溫酒送下病在上食後服病下食前服

接骨丹

乳香 沒藥 川椒 半兩錢五文醋煨七次 馬蘭花

白芷 川烏 自然銅醋煨七次 白膠香 當歸 廣

木香 赤芍藥 草烏 密陀僧 川芎 紅豆

右除半兩錢外其餘藥各二兩半為細末合勻用好酒打麵糊丸如彈子大每服作一百丸搗碎好酒化開喫了再喫酒數盃須令護住病患傷處良久藥性行病人驚勿令轉動其骨作響是自正矣此藥有力打撲跌折腿食後服在下食前服如不折者服半丸敷貼藥

自然銅火煨黃了醋淬 生地黄 木鼈子去殼并醋浸 川當歸

赤小豆 骨碎補去毛 荆芥 蘇木 蒼朮 草

烏頭 接骨草 續斷 烏藥 川烏生 沒藥隨意

加

右為末米粉并黃子醋熬成膏子敷貼痛處外用杉木板夾定損處

接骨火龍丹 治一切打撲傷損骨碎筋痛腫脹者

降真香 蘇木各半兩 自然銅半兩煨 沒藥七錢 乳香

普濟方

欽定四庫全書

川烏 草烏 龍骨 虎骨各半 全蝎四錢 血竭兩半

骨碎補七錢 水蛭四錢 地龍四錢

右為末醋糊丸如梧桐子大或菜豆大朱砂為衣每服五七丸溫酒下

接骨神效方

百合 白欵 白芨 乳香 沒藥 赤小豆

甜瓜子 自然銅 糯米 白芷 血餘灰 赤芍

藥各一兩 川烏 草烏各五錢

右為細末好酒調一錢服後骨折處聽之有聲不過

三服止

草烏散一名麻藥方 凡傷損骨節不歸白者此藥服之

麻不知痛然後用手整骨

豬牙皂角 木鼈子 紫金皮 白芷 半夏

烏藥 川芎 杜當歸 川烏各五錢 舶上茴香

坐挈酒煎 草烏各一兩 木香三錢

右並取煨製為末每服二錢好紅酒調下若傷重刺

痛手近不得者更加坐挈薑蔓陀羅花各五錢入藥
 即倒不知痛處然後或用力割或用剪以去骨鋒用
 手整頓骨節歸原端正用夾夾定任從醫治其或箭
 鏃入骨不能得出亦可用此麻之任從用鉗拽或鑿
 開取出後用鹽湯與服立醒

金絲接骨丹

水蛭炒去烟盡 自然銅燒細醋 當歸去節 無名異 南乳
 香 沒藥以上各三錢 透羅錦三錢燒灰 血餘三錢燒灰即胎頭髮 蒼

木九錢去皮 五靈脂九錢 草烏頭九錢半 半兩錢五文燒紅醋淬七次

右為細末醋糊為丸如小彈子大每服一丸溫酒化
 開再用溫酒一大盞服之疼痛立止自然接上大有
 神效如合藥時綿裹藥磁器內盛於藥乾時搥碎一
 丸溫酒化下後再用溫酒投之

接骨神應丹

水蛭一錢瓦焙乾 沒藥一錢 乳香一錢 木鼈子一箇去油殼 藿香
 木香一錢 附子二錢炮 半兩錢三文醋淬五次 草烏半錢炮 綿

子灰 二錢

自然銅 二錢 醋滓五次

孩兒胎頭髮 撮

右細末每服二錢溫酒調服隨病上下服之效

接骨丹 出濟生 拔粹

金半兩錢

一文燒紅醋滓如無古老錢代

木當歸

藿香葉

各一錢

血竭 一錢

水蛭 三錢同糯米炒紫色為度

大虎骨

一錢酥炙

綿

二錢燒灰

香乳

麝香

沒藥

各一錢

血餘

二錢微焦即孩兒胎頭髮也

右為細末另裹若損折甚者每服三錢輕者每服二錢半如無損折除蛭錢服藥時令病人先飲三五盞

服後更飲三二盞次用紙裹以繩穿板子縛之

當歸丸 出百一選方

接骨定痛

當歸 赤芍藥

川椒 去目及閉口者

敗龜殼

千金藤

骨碎補

川芎

並生用

乳香

別研

虎骨

慢火炮黃

沒藥

研

自然銅 火燒通紅醋滓三次

右等分為細末煉好黃蠟丸如彈子大每服一九筋傷骨折用無灰酒半升入藥以東南柳枝攪勻同煎三五次空心熱服五十九已上不過十服旬日內如

舊五十已下不過五服

接骨膏 治癱折手足兼治疼痛

官桂 沒藥 乾薑 龍骨以上各一兩 白芷 穿山

甲已上各二錢 乳香 接骨膏不拘多少 酒二碗 肥皂七十二箇搗碎

取汁 醋二碗

右除沒藥乳香另研為細末外餘藥同為末將醋肥角同煮文武火煎三遍文武火調候滾去火少停再燃候小滾又去火如是三遍方下衆藥或應掩貼患

處如燥則用薑汁和酒掀起膏爛內再貼再潤膏外

自然銅散出醫方大成 治打撲折骨斷損

乳香 沒藥 蘇木 降真香 川烏去皮 松明

節各一兩 地龍半兩去土青油炒 真血竭三錢 龍骨半兩生用 自然

銅一兩火煨 土狗十枚油浸焙為末本草中螻蛄

右為末每服五錢用無灰酒調下如病在上食後服病在下空心服服之覺藥自頂心尋病至下兩手再週遍身下兩足遇病處則颯颯有聲患人自覺藥力

習習往來方家重誓不許傳授後以脫死報恩遂廣
好生之心博傳累試無不神效一方加水蛭半兩油
炒

接骨丹 出德生堂 接骨不問骨節疼痛

當歸 酒浸 黃耆 赤芍藥 牛膝 肉桂 白芷 各一

兩半 紫金皮 四兩童子小便浸 川烏 一兩炮淨 乳香 各半 沒藥 各半

研三錢 醋淬

右為細末酒糊為丸如梧子大每服二十五丸老人

十五丸量虛實加減酒下病上食後服病下空心服

接骨忌拐丸 定痛如神

乳香 研 沒藥 研 虎頸骨 醋炙 當歸 川烏 去目 川芎

極大者 敗龜殼 酒蘸炙 赤芍藥 雀李根 取皮 自然銅 醋淬

右各三錢為細末鎔黃蠟約度多少丸如彈子大每
服一九用好酒一盞銀石器煎以東南柳枝攪散熱

服骨碎者服一九或小閃胸服半丸

接骨丹

欽定四庫全書

普濟方

五

何首烏 斤半 大附子 一箇炮 去皮臍 乳香 沒藥 木香

當歸 各三兩 焙 甘草 三兩 炒 五靈脂 五兩 生 自然銅 二兩 醋 煨

川烏頭 五箇 生 三箇 熟 二箇

右用好黃蠟四兩鎔開前藥末和丸每斤作十六丸 每一丸溫酒下

整骨定痛散

天花粉 一斤 炒 甘草 二兩 炒 熟 沒藥 木香 一兩 乳香 一兩

陳皮 二兩 半 當歸 一兩 半 血竭 一兩 半 大附子 一箇 泡 去皮 臍

右為細末每服五錢熱酒調服敷貼亦可

接骨沒藥散 治打撲傷損疼痛折骨碎者

川獨活 川牛膝 酒 浸 川續斷 杜仲 萆薢 防

風 去 節 甘草 各 等 分 乳香 沒藥 各 半 兩 另 碾

右為末每服三錢溫酒調下

沒藥散 治傷折筋骨痛

沒藥 研 虎骨 酒 浸 當歸 切 焙 白芷 補骨脂 敗龜

酒炙各 自然銅 火 燒 醋 淬 七 遍 麒麟竭 研 各 分 炭 內 寔 者 火 燒 一 次 酒

泮取二分

右為細末每服一錢溫酒調下不計時

內托散

當歸兩半熟地兩木鼈子 川芎 草烏 芍藥

細辛兩各一自然銅火煨醋泮為末二錢

右為末酒煮糊為丸如彈子大每服三十九溫酒下

無時一半末木瓜酒調下

敗龜散 治折傷定痛接骨

敗龜醋炙去裙重一兩沒藥研桂皮去粗自然銅煨醋泮七遍研

當歸切焙骨碎補去皮炒白芷 防風去叉各半兩

右為散每服二錢溫酒調下不拘時日二服

米穀散

米穀三錢當歸 乳香 沒藥 血竭 甘草 川

芎已上各一錢半半兩錢一文火燒七次醋泮

右為粗末每服三錢用好酒一大盞煎至七分去滓

溫服

接骨散 并治惡瘡

金絲水蛭 半錢七每七三截 沒藥 三錢 銅錢 用半
取三文或五文 燒紅醋淬研細 金頭蜈蚣 筒一 金色自然銅 半兩 燒
研為細末用之

右為細末以津調半錢塗患處止痛如出膿先用粗藥末少許油少半匙同研勻再入少半匙再勻又入前藥接骨散半錢用銀釵子打成膏以雞翎掃在瘡腫處痛立止天明一宿自破如打折骨頭并損傷

可用接骨散半錢加馬兜鈴末半錢酒一大盞熱調連滓溫服立即定痛如不折立止疼痛以食前後藥又外用後藥貼一方無沒藥

接骨藥

陳爛麻根 兩 羊耳朶 一 亂絲 一握多
把 對 者更妙

右取肥松節劈碎約量多少先放三兩根新瓦上以藥同在上燒存性研為末如生再燒研更加五靈脂半兩如疼入乳香少許和藥如茶褐色為度用布條

子約纏一遭先攤小黃米粥勻上撒末勻纏定折處
上又用帛三五重上又用竹篾子纏勒緊慢得中約
二日換上一次再後五日換一次又七日換上一次
如此無不接者

接骨丹

半夏二兩 南星四兩 木鼈子一兩燒 紅豆半兩 沒藥 白

然銅一錢

右為細末生薑汁四兩同醋打麵糊二錢塗患處以

綿裹之溫熱令汗孔開而藥力寔

接骨敷藥

牛皮膠 生薑自然汁各二十分重

先將生薑自然汁入鉢內火頓熱入膠在汁內鎔開
打令勻如稀糊入後藥

白芨 白歛 草烏頭 官桂各二十分重

右研細同入前藥汁內打勻先用葱湯洗患處却敷
藥用綿帛扎定如覺熱行則藥效

硃砂膏 治擗撲刀傷接骨

臘月豬脂五兩 黃蠟半斤已 鈇丹四兩 自然銅四兩

密陀僧四兩 硃砂研

右用新鍤鼎先鎔脂次下蠟停冷再下密陀僧鈇丹硃砂自然銅緩火仍煎令滴水不散取出鼎放冷處用柳篋攪勻瀉入磁器內不住手攪至凝丸如彈子大且用笋皮之類襯之極冷方收 凡傷碎骨者大石壓碎骨者先將此藥化開然後夾定用此藥服之

須作小丸如梧桐子大每服十九葱酒送下或傷損深者撚成條子入孔中淺者用油單紙貼之甚者燈裹木夾之如藥方散再覺疼痛更一服痛即止又痛甚者貼之即止

赤芍藥丸 治打傷筋骨或閃胸或傷損折疼痛不可忍

芍藥一兩用赤者 好乳香半錢 接骨木半兩乃 川當歸一兩

川芎 自然銅各一兩

右為末用黃蠟四兩鎔入前藥末攪令勻候溫軟衆手九龍眼大每服一九以好無灰酒一盞浸開服之痛絕便止若大傷碎折先整骨用後藥貼了然後此藥表裏兩攻無不效也此後一方是一服不可分開治打破傷損接骨方

川烏

草烏

各一兩

右為末用薑汁調作膏子貼損處又將綿縛定良

黑豆散 治打傷疼痛

雄黑豆

一兩

桑條東枝

一兩

栗楔

一兩 剉碎以上三味用醋拌好入於

籠器炒存性

楓香脂

一分

龍骨

半兩 酥炙

右搗碎為散每服三錢熱酒調連進三服後用八骨散

散

八骨散

治筋骨損折

虎骨

醋炙

牛骨

龍骨

碎研

雞骨

炙

狗骨

炙

兔骨

炙

豬

骨

炙

羊骨

炙

楓香脂

研

自然銅

火燒

醋淬

二七次

右各等分搗研為散每有傷處糝藥在瘡上用黃米

粥勻攤帛上裹瘡口用帛裹輕繩縛之

接骨散

米殼

一兩去頂密炒黃色

麻黃

一兩一錢半

當歸

一錢半

甘草

芍藥

各三錢半

右為細末酒煎熬至七分和滓溫服病上食後病下

食前

接骨方

好綿灰

無油頭髮灰

各一錢

乳香

一錢

木鼈子

去殼去油

一錢麝香

少許

南水蛭

不用糯米於瓦上炒黃為度

右為末作一服好酒下驗病上下服之能飲酒者大

醉可以只一服不許二服

雞鳴散 治內外顛傷損骨

當歸鬚

赤芍藥

大黃

各五錢

降真

蘇木

甘

頭

各少許

右吹咀水三盞煎七分去滓食前溫服加小便

治打撲傷損接骨方

川烏 草烏 白殭蚕 半夏 南星 桂去粗皮

右各等分為末取生薑自然汁并醮醋各將調藥稀稠得所就綿上攤勻裹痛處如乾再將醋并薑汁潤如藥落再換或傷損甚者用藥了以杉木板夾定此藥用後止痛然後服藥

當歸去節煨 乳香研細

右各等分為末每服二三錢酒調下

接骨知母方 治筋骨傷折

知母焙 貝母去心 白芨 白斂 桂去粗皮 乳香研各半兩

右為細末用好酒調如糊攤藥在新帛子上裹所傷處三五日一換

接骨烏金散

半兩錢一百文 醋淬碎 錦文水蛭半兩炒烟盡 南乳香一錢
另研麝香一錢 自然銅醋淬碎半兩

右為細末每服半錢自然汁生薑溫酒少許同服之如損在腰上食後服之腰下食前服如筋骨無傷藥

即吐出無忌一方有沒藥

烏金散 治接骨

水蛭 一兩 炒黃 自然銅 三兩 碎研內將一兩生用一兩炒 水竹青 半兩 炒灰

硝黃 半兩 二味 同燒灰 乳香 三錢

右為末每服一錢或半錢小兒一字入麝少許熱酒

送下

神效點金丹 接筋骨藥

蒼朮 紅麴末 香附子 白芷 草烏 各一兩

右為末糊為丸如雞頭大每服五丸用酒或茶鹽水

送下不可多服恐麻人

接骨服藥

蘇枋 松節 黑角節者 各半兩 自然銅 乾鍋內煨 沒藥 乳香

滴乳者 各一錢

右各為末和勻每服二錢無灰酒下服罷使用刷牙

子灌漱恐制牙骨損甚者先以木夾定次服藥一服

止痛二服骨有聲三服完好入臼

接骨敷貼藥

出濟生
拔粹方

天南星

四兩

木鼈子

三兩

沒藥

半兩

官桂

一兩

乳香

半兩

右為細末生薑一片去皮取自然汁入米醋少許白

麵為糊同調攤紙上貼傷處以綿繫之用篋子篋住

麻索子纏

五仙丸

出聖濟
總錄

治傷折筋骨

自然銅

四兩
火燒
醋淬
二次

大栗

一百枚
去皮
生用

黑豆

一升
湯
煬
去
皮

白

桑柴灰

二升

接骨木灰

一升

右一處大白內搗一千下取細入練蜜再搗九彈子

大每服一九溫酒嚼下不拘時服

接骨敷貼方

以石南葉碾為末用大活鯽魚一箇從脊破開去盡
粗骨滿裝石南末於內濕紙裹煨熟去紙將魚帶藥
熱貼於損處用直性木夾定扎縛隨即按之

接骨藥

出儒門
事親書

自然銅

一錢

麝香

少許

半兩

銅錢

醋
煎
燒
淬
為
末

欽定四庫全書

右為極細末如在上食後服如在下食前服三罈頭嚼丁香一枚乳香一粒無灰酒一小盞如不折其藥反出罷其痛不可當勿疑待一日如骨未接再服如前老者十餘日少者不過五七日

治骨折傷損方

活蝦蟇一箇活鯽魚一箇杜牛膝根洗淨小粉炒焦

右搗爛下小粉和成如泥患處用紙一層護之後搽前藥夾板扎縛定仍服諸藥

定痛一字散

何首烏 草烏各二錢 乳香 沒藥各一兩

右為末每一字塩酒調日進二服

筋骨藥

草烏一兩 蒼朮五兩 青皮 白芷各二兩

右為末麵糊丸如雞子大每服三丸温酒送下

走馬散醫方大成 治接骨定痛 詩曰青柏乾荷葉此藥

最為強皂角并碎補止痛絕為良

栢葉

生少許

荷葉

生

皂葉

生用或肥皂

骨碎補

去毛

右各一兩為末於跌處揣定骨入臼以杉木板子量大小以紙襯於杉内生薑調藥如糊攤就紙上貼骨斷處以繩縛定夾外更以熟絹纏之莫令骨動三日或七日開看以葱湯洗不可令水大熱若無動再貼藥復夾七日除七日換藥貼如痛甚加沒藥少許貼一方有白芨

接骨禁聲膏

肉桂

不見火為末

牛皮膠

截碎

馬屁敦

擦末

獨核肥皂

右用生薑自然汁添少水煎膠化搗之却入馬屁敦同肥皂搗為稀膏離火畧溫入桂在內再搗細攤紙上須用紙背貼患不用藥貼痛甚者熱貼微痛者溫貼上用油紙包貼外用帛縛第二三日取下刮舊藥貼生薑汁熬熱再貼如此二三次平復皮上必有生熟瘡用薄荷甘草白芨為末調敷

接骨丹

出衛生家寶方

治筋骨折損

自然銅 生用 另研 川練子 剉碎 黑牽牛 炒 川烏頭 生用 各等分

右為末酒糊丸如梧桐子大每服五九至七九傷損在上食後服傷損在下食前日進二服

鼓雞散

水蛭 半兩 炒 麝香 少許 半兩錢 十文 醋蘸 滓七次 金色自然銅

半兩 醋蘸

右為細末先以湯洗用竹木夾定後復服藥每用半字好酒調下多用則吐不受服藥約如人行二十里

則完常以雞鼓折頸骨畧與此藥治隔宿殺雞視之傷處如絲繞誠可信矣

接骨膏

烏魚骨 燒烟 盡 木鼈子 去皮油 一兩 白芨 一錢 白歛 一兩

右為細末新汲水調為膏攤夾紙上貼損處上用竹片夾定內服

乳香 沒藥 自然銅 各等分 古老錢 一文 燒赤 醋滓七遍 酥為度

右為細末每服二錢溫酒調下

接骨丹

吳茱萸 官桂 厨屋內吊用剪剪下勿令犯手芥子

右等分為末以六錢煉蜜一兩為丸用生薑四兩搗汁入無灰酒內化服須一時吃盡若作兩次吃在後必成擁節不平復藥後須忌飲酒一月仍以杉木夾敷即效

四骨散 治一切折傷腿脛膊骨節

龍骨 虎骨 豹骨 穿山甲

右等分入乳香沒藥少許一處為細末用黃米麵糊攤在細布布上藥末糝勻先將折處料理齊正却用藥貼在患處用火考濕纏一匝又用竹籬四下籬住後用帶子或細索拴牢三五日看有不到處從頭再搽遍將藥貼上即時不疼十數日即接住一方無乳香沒藥

治顛骨折傷方

麻皮 糯米 黑豆 粟子 無粟穀亦得

右等分燒灰為末酒調服效

接骨散 百一選方 治打撲傷損折筋骨出臼須要揣摩骨

歸元位然後服此藥用半兩古文錢不拘多少以鐵線貫之用鐵匣盛以灰火煨通紅盆盛好酒米醋各半升鐵鈴開匣取錢於酒醋口淬再淬盡去酒醋以溫水淘數多尤妙恐火毒不盡令患啞焙乾研極細入乳香沒藥水蛭等分同為細末每服半盃或一盃

生薑自然汁調藥次用溫酒浸平服若不傷折即時嘔吐若損折則藥徑下纏繳如金線絲如弓上之力極效驗初服忌酒三日一方無水蛭有麝香昔王丞相在東府時施此接骨藥極有驗效

草烏敷貼藥

草烏 菜豆粉 白膠香

右等分為末煎牛皮膠調藥攤紙上貼痛處

接骨藥

草烏末一兩 吳茱萸一兩 白麵二兩
炒

右為末和勻米醋根調敷損處

沒藥自然銅方出危氏方 治折骨傷筋痛不可忍

當歸 沒藥各半錢 自然銅一錢
火鍛醋淬為末又用水飛過

右為細末以酒調服仍以手摩痛處衍義云有人養折翅鷹飼以自然銅即時飛去

神授散一名接骨散 一名鉛粉散

當歸洗淨焙為細末 鉛粉各半兩 硼砂二錢

右研細末令細濃煎蘇枋汁調服一大匕若損在腰

以上先食淡麵半碗然後服藥在腰以下即先服後

食仍頻頻呷蘇枋汁別作糯米粥入藥三錢拌勻攤

紙上或絹上封裹傷處如骨碎則用竹木夾定損處

却以藥敷貼以布絹包之其妙如神內翰之子梓為

豫州倉官嘗以治一庾人妻度當下血數升而安

治跌折手脚敷貼方 凡跌傷先服前方神授散次用

此方敷貼損處

麵四兩 天南星三兩半 生薑四兩
為末 汁同和

右先將杉木板夾定損處却以藥敷貼外用紗帛包裹內翰之子梓為豫州倉官嘗以治一庾人婁度其妙如神

小接骨散 治打撲閃胸損骨

牡蠣一兩 洗 青蛤粉一兩 木鼈子仁五錢

骨碎補散 治折骨

乳香 沒藥各一錢半 骨碎補一兩 燎 去皮

右為細末和勻分作三服用童便調下酒亦可外仍以後藥敷貼

正骨散 治傷折骨損疼痛主活血止痛正骨續筋

木賊去節 三兩 廣黃一兩半 甘草三兩

右為末每服五錢熱酒調下須先整骨夾端正然後服散亦可

接骨散 治傷折筋骨

木炭半觔 火燒 白絲三兩 燒 自然銅一兩 火燒 三度 醋淬 研

右為細末每服一錢煎木瓜酒調病甚損傷折骨者服散訖裹了次服沒藥丸

沒藥丸

沒藥

丹砂

研

牛膝

酒浸焙乾羅為末各一兩

右研勻麵糊丸如桐子大每服二十九丸木瓜湯下日一服午間服之五日後漸減丸數

烏金石散

治傷折骨

烏金散

穀精草

小地黃

右為細末用好陳醋加豶豆粉少許入銅器內熬成稀糊住火却入藥末和勻稍添火熬滾隨時就攤於紙上貼患處候之覺患冷其疼即止內損血不出者以銀杏去殼好酒熱調服

乳香接骨散

治折骨條

肉桂

二兩去皮為末

乳香

沒藥

末各一兩

右拌勻用黃米煮稠粥量瘡大小剪紙花子攤粥在上然後將藥摻在粥上熱搭在瘡處如脚脛折把脚

拽直用藥少頃不疼脚痒時以水濕帛子裂乾裹着藥餅子上用熨斗火熨不痒為度

接骨丹

茴香錢一五靈脂兩一

右為細末另研乳香為細末於極痛處摻上用小黃米煮粥塗了然後將二味藥末摻於上再用帛絹裹了用木篋子篋了少壯人二日效老者五六日效

敷貼方

木鼈子七枚去殼研自然銅末二錢

右用生薑自然汁半盞麴五匙同研熬成膏攤紙上先用杉木節火煨草煎湯傾盆中將損處近盆上待熱氣薰候溫洗之然後貼藥上散

神仙立效散 治骨頭內損接骨如神

半兩錢 自然銅各等分

右各用火煨醋淬七次以酥為度去火毒為細末將患所折骨處用軟舊衣片或袋亦得襯裏外用杉木

板一寸許闊者數片周圍裹了外用帶縛須是緩急
 得所太急則縛住血脉恐藥力不行每用一字用生
 薑自然汁少許調在藥注內或手心內令患人服之
 即用無灰酒一盞送下一服定痛二服接骨三服平
 復更用本類後烏金散調理

治跌撲傷損骨折此藥專接骨

芥菜子

炒一兩

夜合樹

俗謂之萌菊即合歡也去粗皮取白皮剉碎炒令黃微黃

色四兩

右為細末酒調臨夜服粗粗罨瘡上扎縛定神效越
 州人謂之烏顆樹一方葱白砂糖等分研爛敷之立
 止仍無癍痕

黃栢散

治癩撲損筋骨及治跌撲疼痛

一名白皮膏

黃栢 半夏

右為細末每用半兩生薑自然汁調如稀糊以鷲翎
 敷之用紙靨貼如乾再敷之先用絹帛封縛次用杉
 木扎定良久痛止即痒覺熱乃是血活即得筋骨復

舊輕者三五日即愈重者不過旬月藥乾頻上薑汁
尤佳蘇緯光云得用全在生薑

接骨方

半兩錢

十二文
火煨

麝香

少許

治顛傷骨折

鼠糞

糯米

炒黃色碾
細為粉末

右用好醋調為膏以筍籜攤之貼上疼不可忍貼後
即愈再貼

接骨丹

用頭髮一團洗淨燒灰乳香末好酒調下大效

接骨藥 不問骨節疼痛

用粟米熟鐵陳葱好醋同鍋內炒烟用碗覆之存
性外敷貼內服

卓氏膏 治折跌腕躄

以附子四枚生用去皮切以煉成猪脂一斤以三
升苦酒漬三宿以脂膏煎三上三下膏成欲敷時

以木七摩之或攤貼處日一易亦治卒中風口禁
頸強

又方治顛骨折傷

用蘇枋槌碎常煎服或以童子小便或熱酒調麻
皮灰服之皆良

烏金散 治接骨

以黑豆二兩桑柴十根鋪黑豆勻同以火燒候桑
柴已盡取二味灰為末次入麝香少許每服二錢

酒調下

白膏子 治接骨

用牡蠣少許為末用糯米粥調塗其上用杉木板
夾即愈

治骨折及墜馬 用銅末調酒服之佳

接骨神效一字散

用蚶蚩蟲一名土蟹子一名異名生不拘多少用
紙裹放鍋上焙乾為末每服一字好酒調下熱服

不可太多

續骨方 治頭腦四肢骨碎及打傷瘀血不止治指拇

并瓜甲因傷擘裂

一名煨葱方
一名仁存方

用葱一束布袋盛於釜中懸煮熱取出截去根白
用葱青衆手乘熱擘開內涎就於傷處頻貼以骨
接不痛為度如骨碎難接用糯米粉熱湯搜和成
餅乳香摻之加盪上方煨透乘熱搥葱葱碎貼患
處一方炒熟罨傷處

接骨方

以芷可作草喬者以刀近根割去待其長新生者
割收之焙乾為末或搗敷之以軟帛扎定效

治擱骨折傷方

用生薑自然汁服碗許其惡血自大便中下

治折骨

用水蛭新瓦上焙乾為細末熱酒調下半錢食頃
痛可再服痛止便將折骨藥封次以物夾定直候

至效

療骨脫折 折骨諸瘡腫者或當風或多用扇中風發
瘡口禁頭項強身中急痛者

用竹瀝飲三二斤若已口禁者以物開納之忌冷
飲食及酒竹瀝卒燒難得可合束十許收併燒中
夾兩頭承取之可得

療骨折 接令如故不限人畜方

取古鑄

上柯魯切下母郎切温器也

銅錯取末搗以絹篩和少

酒服之亦可食物和服之不過兩方寸匕以來任
意斟酌之

治四肢破碎及筋傷蹉跌方

用生魚熱搗以敷折上日三易又方生鼈熱搗敷
折上日三易

又方

取活鼠破其腹背及熱以敷之愈又去鼠五臟敷
之良一方熟搗以敷折上日三易

治跌撲傷損骨者

用黃牛角炙焦刮去末須取焦者以二錢好酒調下上損食後服下損食前服左傷用左角右傷用右角此法前因老王千戶在餘干州鎮平以箭射折周霸都腿即以此藥服之三五次接如舊予目見之後用果效

接骨方

用豆粉炒將葱白生薑搥爛再同於鏟內炒熟敷

冷則換

跌折肢體并擗撲損傷筋骨折者

以肥皂炒枯為末用鏟煮糯米糕同搗為膏子敷貼患處以杉木片纏縛仍酒調肥皂末一捻許服下即時接上

治傷出腸肚在外不破本腸肚者

以針穿桑根白皮縫合其患即痊如無桑白皮用絲線縫合亦得也如不入以手剝脇腸自入也

又方

治人頭骨斷不傷氣喉食喉外隨時用物繫住使
正二三日其骨自接仍隨證以藥治之

治跌骨斷

用白芨一味為末酒調服神效又方其功不減自
然銅與五銖錢服之

接骨丹 治跌撲傷折

錢五十文炭火煨 乳香半兩透 五靈脂半兩 羊脛炭兩

醋淬碎半兩

明者

兩

半兩

右為末每服半錢蜜調成膏以酒化開服之次食獨
粟三兩箇止可一服次進烏金散

烏金散 用接折骨如神

桑白皮一兩焙 獨栗連殼兩切焙 自然銅一兩兩煨 羊

脛炭兩

右為末每服二錢無灰酒調下日三服傷折在上食
後服在下食前服

止痛散

乳香 沒藥 鹽炒 當歸 火煨 紫金皮 醋炒 白芷 劉寄奴

黑牽牛

右等分依前大接骨方煨製傷痛不止者先服此即

止

又方

麻黃 三兩內一兩去節 甘草 三錢

右為末每服五錢整頓骨了熱酒下令醉

補骨脂丸 接骨止痛生肌肉續筋脈

補骨脂 炒香 乳香 另研 自然銅 燒紅酒淬七遍 石膏脂 另研 續斷

酒浸 木鼈 去殼取肉另研 烏雄雞 一隻皮毛腸肚肉皆不用只取血并骨入藥 烏

龜 一枚剝去腸胃如無可使鱉甲代之

右六件用龜甲和雞血骨就砧上剝爛令極細日烈

乾為末與前藥末等分拌和勻酒煮麵糊為丸梧桐

子大每服五十九加至一百丸溫酒鹽湯任下不拘

時候

又方

乳香 沒藥 蘇木 川芎 當歸 血竭 赤
小豆 石南藤 紫金皮 小含笑花葉 白茅
根

又敷藥

南星 黃栢皮 赤白豆

右用薑黃末生薑汁調敷

又方用芋根竹根切片無灰酒一盞整骨後日進三服

又方 治骨折

敗龜板一箇

百孔已上不妨
火煨自為度

生薑

肥大者
自然汁

右碾龜殼為末入乳香勻用藥末一合浸少時煮粥
研細入薑汁更研方用前藥兩七入研勻再於瓦內
蒸令極熱上骨折處仍先用葱湯洗令骨內熱筋骨
活絡方可用此藥敷之候乾再換三五度即瘥

又方

用雄蟹殼不拘多少用水蛭去兩頭尖同蟹殼炒

焦黃盡去水蛭研殼為末熱酒調連盡三服畢喫
白湯飢餓一碗不用鹽不問寒暑被蓋取汗為度

又方

用木鼈子肉細磨水調抹之

彭氏黑龍散

治傷損筋骨碎斷差錯每須先用葱湯

藥水淋洗整頓平正起熱或用薑汁或紙或帛隨大
小裹貼有破留口別用飲藥如骨斷碎斟酌夾服三
日一次淋洗換藥不可去夾以待骨續如刀箭獸齧

成瘡壞爛擦踐腫痛用薑汁和水調貼有破留口

穿山甲

六兩

丁皮

六兩

當歸

二兩

百草霜

枇杷葉

畧用

汁一

孟

右為細末薑汁和水調貼

又方

用川烏一箇先將好蠟糟入紫油缸內次用糟盒
子蓋定有患取此川烏如梧桐子大用飯三五粒
為丸冷水下糟抹患處

桃紅散

出永類
鈴方

貼損折筋骨腫痛

草烏

三箇去皮見
血者不可用

飛羅麵

半斤

礶丹

三錢

貝母

半兩

天南

星

半兩

右為細末生薑自然汁調貼如作潮熱茶清調貼如皮破見血者去草烏恐壞皮肉若輕者血聚以蘿蔔葉研罨患處帛縛之

治胸脇諸骨傷斷

出永類
鈴方

右以黃雲膏木苧蒲炒令紅用內消如腫加生者

五兩及何首烏白芷生用楓脂一兩赤芍藥生二兩痛亦加土獨活生三兩俱用為末溫熱酒調塗

諸損敷貼

出永類
鈴方

當歸

三兩

白芷

三兩

肉桂

半兩

薰陸香

沒藥

各一兩

右為末薑汁調白芷一味亦佳

歐陽氏貼損

出永類
鈴方

白芷

赤芍藥

南星

天花粉

木蠟葉

牡

丹皮

少許

右為末薑汁調貼

彭氏風流散

出永類
鈐方

石膏

十箇泥固
封火煨

白礬

飛二兩

枇杷葉

少許

松脂
黃丹

各一兩

右為末傷經久者藥水洗後待瘡乾用油調敷新破

傷忌風濕

治損折骨活血住痛虛弱及經久不安

出永類
鈐方

附子

八分
炮

澤蘭

一兩
川椒

去目及第二重
皮炒半兩放冷

甘草

半兩
當

歸川芎

獨活

各半兩

川烏

八錢

右為細末細嚼生薑酒調如刀傷不用酒骨斷皮不破加乳香沒藥酒調體弱傷損元氣茴香薑酒調看其虛寔每服加少烏末腦上有傷頭痛不止荆芥川芎各半兩白芷一兩葦澄茄二錢為末熱酒調

治傷損筋折骨先用趁痛散止痛

出永類
鈐方

川獨活

川五靈脂

另研

乳香

另研

白芷

各一兩

兩防風

百草霜

沒藥

各半兩

淨生地黃

二兩

赤

芍藥二兩 杜白芷三兩 桔梗三兩 草烏二錢 小麥汁煮透去皮尖焙

右為細末每用一錢煨葱頭或炒松節薑酒調下

接骨散 治諸傷筋折腫痛服之住痛消腫出永類 鈴方

白芍藥二兩 故紙炒一兩 自然銅醋淬 沒藥另研 羊脛骨灰

各一兩 白茯苓 骨碎補去皮各一錢 川烏炮 木鼈子去殼

用油煨各半兩 虎骨隨多少醋煮另研

右為末每一大錢依前湯使調下燒羊脛炭法四五

月收麻羊糞用茆一層又加糞一層盡意燒之存性

合了煙令作炭先辦童便薑汁候炭成將入汁內淬

曬乾為末

筋骨散出永類 鈴方 治新舊傷損除痛壯筋骨可常用

生地黄 赤芍藥 當歸 石南藤各二兩 杜白芷

骨碎補炒去毛各三兩 五靈脂 肉桂 山桂皮 芥荊

穗各一兩 桔梗四兩 川烏 雄黑豆煮去皮四兩 草烏製半兩

右為末薑汁和酒調婦人風損痺痛煨葱酒調下

接骨續筋住痛生血周傷貼敷甚見神效內加玉真散

二味又勝諸方 出永類 鈴方

乳香 沒藥 自然銅 醋滓七次 南木香 生地黄

熟地黄 川羌活 川芎 當歸 防風 天南

星 松嫩心 去皮 輕粉 側柏葉 錯碎焙 川草烏 數

製去皮尖痛者加五七箇 柘木 火中煨存性作灰

右前藥各等分側柘柘炭加一倍用細末生薑自然

汁調下或蜜丸如彈子大生薑和酒調細嚼之

神效接骨丹 出衛生寶鑑 治男子婦人老幼筋折骨撲損及

治寒濕脚氣疼或一切惡瘡疼痛不止

南乳香 沒藥 南白膠 蜜陀僧 四兩另研 香白芷

紅豆 大豆 赤芍藥 當歸 水洗三遍 水蛭 瓜

子仁 以上各等分 自然銅 火燒通紅醋滓燒如銀為度用之

右為細末黃蠟為丸如彈子大每服一丸用黃糝米

酒一盞煎開和滓溫服年少者只一服老者加添服

病在上食後病在下食前此藥內自然銅水蛭瓜子

仁加桂花川練子茴香為細末酒糊為丸如梧子大

每服十五丸酸石榴湯送下食前日進二服治小腸

如神一切臍腹疼痛並皆治之其功不可盡述也

神仙透骨丹

出永類
鈴方

骨斷難分宜用此藥

當歸

四兩

川獨活

三兩

乳香

白膠

半兩鎔過又生
熟地黃各一兩

自

然銅

醋滓
半兩

側柏葉

四兩酒
蒸焙

肉桂

半兩

石南藤

二兩

右為細末糯米糊丸彈子大丹為衣每一丸炒松節

或番降篩酒下看損上下多服亦可梧子大每三十

丸藥加松條節好土珠荊芥桔梗各二兩治脚氣入

骨痛木瓜浸酒黑豆炒浸酒服

小紅丸

出永類
鈴方

治諸傷勞損跌折筋骨風濕拘攣吐

筋骨活經絡生氣血

川烏

何首烏

蒼朮

蛇牀子

五靈脂

膠香

赤小豆

牛膝

當歸

各製淨
壹兩

乳香

二錢

酒糊為丸菜豆大每服三十九酒下

大紅丸

出永類
鈴方

治證同上不問新舊經年傷損孕婦

勿服

赤白芍藥 各一斤 何首烏 一斤 川烏頭 一斤七 當歸

七骨碎補 姜製一斤 牛膝 兩十 淨細辛 兩八 青桑灰 三斤或不用

赤小豆 升二 自然銅 二兩 醋淬

細末醋丸梧子大信州硃為衣每服二十九溫酒下

黑神丸 出永類 鈴方 治證同上

白斂 斤一 白芨 兩四 當歸 兩四 白芍藥 剉 南星 兩六 川烏 兩三

骨碎補 兩製八 牛膝 兩九 百草霜 兩半 赤小豆 升一

為末醋糊丸梧子大湯使同上一方加細辛或白鮮

皮

接骨散 出百一 選方 治折傷

黃狗頭骨 一箇湯去毛便以泥固 封之炭煨過去泥為末 官桂末 牡蠣

用泥固 火煨

右三味各細末每用狗頭末五錢入牡蠣末三錢桂

末二錢並炒以糯米粥鋪絹帛上摻藥在粥上裹損

傷處大段折傷者以竹片夾之少時即痒不可抓之

縛以絹帛三兩日效

治四肢骨破筋傷蹉跌及跣折出本

以水二升豉三升漬之攪取汁飲之兼止心悶

治腕折骨痛不可忍出本

用大麻根葉搗取汁一升飲之非時即煮乾麻汁

服亦可主搗打瘀血心腹滿氣短皆效麻根即今人織布麻

種子也

療骨出本

取虎頭為末水服方寸匕

治筋骨疼痛出本

用馬接脚皮并續筋金稜藤三味洗淨去粗皮焙

乾等分搗羅為末溫酒調服二錢匕續筋即旋覆

根也

普濟方卷三百九

總校官候補知府臣葉佩蓀

校對官編修臣張九鐔

騰錄監生臣盧光璐